



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1721. usque ad annum 1724

Fleury, Claude

August. Vind. [u.a.], 1783

VD18 90119304

§. 67. Principum atque Illustrium obitus.

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

Marefusus Maceratenſis Papæ Vica-
 rius Generalis & Cæſaræ Archiepiſco-
 pus: Presbyter Cardinalis tit. S. Cle-
 mentis, & Frater Auguſtinus Pipia
 Sardus ex ſupremo Ordinis Prædicato-
 rum Magiſtro Generali factus Cardina-
 lis Presbyter tit. S. Sixti.

Sæc. XVIII.
 A. C. 1724.

§. LXVII.

Principum atque Illuſtrium obitus.

Hic quoque annus pluribus generis
 nobilitate, ac dignitate præſtanti
 bus vitæ ſuæ poſtremus fluxerat; præ-
 primis enim Joannes Philippus Franciſcus
 S. R. J. Princeps ac Comes de Schön-
 born Herbipolenſis Epicoſopus ac Fran-
 ciæ Orientalis Dux, dum ex Mergent-
 hemio Herbipolin revertebatur, in iti-
 nere apoplexia tactus æternitatis iter
 anno ætatis ſuæ quinquageſimo primo
 die decima octava Auguſti aggreſſus
 eſt, cui die ſecunda Octobris Chriſto-
 phorus Franciſcus de Hutten unanimi
 Canonicorum ſuffragio electus ſucceſſit.
 Menſe autem Julio Viennæ deceſſit
 Antonius Folck de Corduba Valentia
 Archiepiſcopus & Hiſpani Conſilii Præ-
 ſes. Hic teſtamenti tabulis hæredem
 dixit Grimaldum Papæ Nuntium, ca-
 vitque, ut locupletiffima ejus Biblio-
 theca Carolo Cæſari duntaxat ad uſum
 relin-

*Hiſt. Univ.
 Period. 1.
 p. 20. t. 9.
 S. R.
 Millot mem.
 Pſittiq. t. 5.
 pag. 105.*

Sæc. XVIII relinqueretur, postea autem ad quod-
A. C. 1724. dam Hispaniæ Monasterium FF. Mino-
 rum transferretur: pretiosum quoque
 Ecclesiæ thesaurum, quem ex Hispani-
 a profugus hostium rapinæ subtraxe-
 rat, restitui voluit. Hoc quoque anno
 Philip. V. Hispaniæ Rex, uti memora-
 vimus, Regnum suum abdicare, atque
 unacum Regina in S. Ildephonsi arce,
 residuos vitæ dies ibidem transigere
 constituit, hancque in rem die decima
 Januarii datis literis Mirabello Mar-
 chioni negotium dedit, ut ad diem
 decimam quintam ejusdem Mensis Re-
 gni Proceres convocaret, quibus una
 congregatis Rex declarabat, quod ob
 virium debilitatem natu majori Filio
 suo Ludovico Hispaniæ Monarchiæ re-
 gimen pleno jure cederet, quo facto,
 & cessionis diplomate subscripto hanc
 suum Filium in Regem declaravit: cum
 autem idem Ludovicus ex morbillis &
 colica inflammatoria cum ingenti om-
 nium luctu præmatura morte die tri-
 gesima prima Augusti eriperetur, Phi-
 lippus eius Pater denuo Regiminis cla-
 vum suscipere cogebatur. Insuper præ-
 ter Gicolum Capaccensem Episcopum
 sexaginta duos annos natum vivos de-
 seruit Romæ Carolus Albani Princeps
 de Soriano, Clementis XI. ex Fratre
 Nepos, & Josephus de Comitibus Du-
 Gu

Guadagnolæ, Innocentii Papæ XIII. Sæc. XVIII.

Frater natus minimus: In Galliis die A. C. 1724.

duodecima Aprilis mortalitatem exiit
in sua Diæcesi Petrus de Langle Bolo-
nienſis Epifcopus apud Morinos. Hic
unus erat ex quatuor Franciæ Epifco-
pis appellantis, ſuæ appellationi
adeo pertinaciter inhærens, ut prius-
quam Sacro Viatico & extrema un-
ctione a primario Archidiacono ſuo
muniretur, cuncta contra Bullam *Uni-*
genitus acta & ſcripta rata habere, &
innovare, præſentibus quibusdam ex
ſuis Canonicis voluerit. Teſtamento
caverat, ut ſuæ familiæ bona ſuis do-
meſticis, reſidua autem Noſocomio &
Seminario concederentur. Sepelieba-
tur die decima tertia Aprilis feria quinta
hebdomadæ ſanctæ, ubi illius diei
Miſſa legebatur, quæ incipit: *Mihi au-*
tem gloriari oportet &c. quæ verba ſicut
& hæc Evangelii: *Exemplum dedi Vobis,*
ut quemadmodum ego feci &c. perperam
ejus amici ad defunctum applicabant.
Eodem ferme tempore deceſſit Embro-
dunenſis Archiepiſcopus, qui etiam ſeſe
Conſtitutioni pertinacius oppoſuit, ac
propterea Borbonia Ducifſa ejus exe-
quiis intereſſe renuit. Succeſſorem ha-
buit Abbatem Tenſinum.

Pariter Taurini e vivis exceſſit die
decima quarta Martii Maria Joanna
Bapti-

Sæc. XVIII. Baptista Regis Sabaudi Mater octogena-
A. C. 1724. naria. Obiit infuper die prima Martii
 Quolsbaci Eleonora Juliana Caroli Wirtenbergici Ducis uxor; Ernestus Fridericus Dux Saxo - Hilpershusianus annos natus quadraginta tres; Romæ Josephus Bernardus Dux Saxo - Coburgo - Mainungensis: *Mainunij* die trigesima prima Martii Carolus Franciscus Princeps Sulzbacensis heres, ac Electoris Palatini Neponis sex annos natus. Mense Aprili Oberbrunæ in Alsatia Sophia Sibilla Friderici Hasso - Homburgensis Ducis Vidua Neapoli Dux Campanæ, Grandis Hispaniæ: Friderica Amalia Princeps Nassovio - Dillenburgica, die vigesima prima Septembris Guilielmus Dux ejusdem Familiæ, & die septima Octobris Fridericus Dux Holsato - Schleswicensis, die vigesima quarta Novembris Dux Saxo - Coburgo - Mainungensis anno ætatis quinquagesimo tertio: Denique ob raritatem meretur recenseri obitus Petri Czartan civis religionis Græci, qui die quinta Januarii in Pago Koffræsch ditionis Temesvariensis anno ætatis centesimo octogesimo quinto decessit, filiumque annos nonaginta septem natum post se reliquit.